



Inatsisartunut ilaasortaq Hr. Jens B. Frederiksen  
/MAANI

**Nunatsinni pinngortitap pisuussutaanik atuinermi akileraarummik  
piaartumik eqquassinissamut tunngatillugu Naalakkersuisunut  
apeqquteqaammut akissut**

Naalakkersuisut sinnerlugit matumuuna apeqqutit uku akissuteqarfigissavakka:

1. Tamanna tunngavigalugu Naalakkersuisut siunnersuut Inatsisartut upernaamut ataatsimiinnissaanut nunatta pinngortitaani pisuussutinik atuinermut akileraarummik eqquassinissaq siunertaralugu saqqummiunnissaannik pilersaaruteqarpat?
2. Saqqummiussissamaanngikkunik; soormitaava, kiisalu Naalakkersuisut taava pilersaaruteqarnerlutik nunatta pinngortitaani pisuussutinik atuinermut akileraarutinik atuinissami aningaasartaanut tunngasut 2009-mut Aningaasatigut inatsisissamut ilanngussinissamik pilersaaruteqarnerlutik?

Naagga Naalakkersuisut maannakuugallaq taamatut pilersaaruteqanngillat.

Naalakkersuisut isumaqanngillat pisuussutit akileraarutaannik eqquassinissamik siunnersuuteqarnissaq maannakkut tunngavissaqartoq, uku pissutigalugit.

Naalakkersuisut isumaqarput pisuussutinik uumasunik atuinermi ernianik eqqussisoqassappat, pisuussutinik atuisut pisuussutinik atuinermi akitsuutinik akiliisinnaanerat uppersarsartariaqartoq. Naalakkersuisut maannakuugallartoq naliliippat uppersarsaat taanna pigineqanngitsaq.

Naalakkersuisut aalisarneq pillugu Inatsisartut inatsisaata nutarterneqarneranut atatillugu aalisarneq pillugu ataatsimiititaliarsuarmik pilersitsipput, taannalu ilaatigut ukuninnga suliassaqarpoq:

Peqassutsimit ilangiinaraanni akiliuteqartarneq

- Peqassuseq najoqqutaralugu siammassinnerusumik ernianik akitsuusiisarneq, maannakkut atuuttoq raajanik akitsuusiisarneq atorunnaarlugu imaluunniit ingerlaqatigiissillugit atuutileraluarpata aningaasatigut iluaqutaasinnaanerisa paasissutissiissutigineqarnissaat.

7. marts 2007  
01.28/2008-29  
Postboks 269  
3900 Nuuk  
Oq/tel +299 34 50 00  
Fax +299 32 47 04  
aapip@gh.gl  
www.nanoq.gl

- Atuisunik akiliisitsinermi aningaasatigut qanoq kinguneqarsinnaanera paasissutissiissutigissallugu, taamaasilluni aalisarnermik inuussutissarsiutitigut Kalaallit Nunaata aningaasartuutai, aalisarnermik inuussutissarsiuteqartunit akilerneqassapput, nunap karsianit akilerneqarnatik.
- Akitsorterisinnaanermi periuseq, periarfissaasinnaasoq, pillugu sinaakkutinik piumasaqaatinillu paasissutissiineq, matumani makku qulakkeerniarlugit:
  - Namminersornerullutik Oqartussat pisassanik tunisineranni akiliuteqartitsisinnaaneq, peqassuseq najoqqutaralugu ernianik akitsuusiisinnaaneq, imaluunniit atuisunik akiliuteqartitsisinnaaneq (money-up-front system).
  - Niuerfiliornermi periarfissarititaasut, soorlu ataasiakkaanit pisassarititaasunit / ukiumoortumik pisassarititaasunit tuniniaasinnaanerup periarfissaanera.

Aalisarneq pillugu ataatsimiititaliarsuup isumaliutissiissutaa tiguneqarpat, uppersaallu pisariaqartoq pissarsiarineqarpat, Naalakkersuisut isummissapput, pinngortitap pisuussutitsinnik atuinermi akitsuusiisarnarup eqqunissaanut tunngavissaqarnerisq.

Inussiarnersumik Inuulluaqqusillunga

Finn Karlsen

Aalisarnermut, Piniarnermut Nunalerinermullu Naalakkersuisoq